




志第三卷 艮部

南陽府桐柏縣事關西鞏敬緒理齋甫纂修
儒學復設教諭高安李之杜仲閒甫訂正
侯鈞知縣乙卯科舉人渭北李南暉仲晦甫編輯

邑庠 魏垣象三校正
王滙漸東

建置志

有天地然後有萬物有萬物然後有官室有官室
然後有內外有內外然後有近遠有內外近遠然
後官有府署而民多寧宇往來貿遷通此達彼而

大化無方矣夫萬物均樂無爲之化而未嘗不享
有爲之福大造造物其次造國又其次造鄉邑皆
所以著保民之道也周禮掌固掌修城郭溝池樹
渠之固而比長鄮長與夫鄉遂之士莫不各以其
規常供厥職九州縣鄙之法悉若是矣桐邑獨不
然乎作建置志

城池

城週圍四里計六百三十有五步高一丈七尺廣
半之池深入尺濶一丈五尺門四東曰接楚南曰

向明西曰導淮北三極成化十二年都察院右
副都御史原公傑巡撫河南等處御史吳公道宏
創建唐縣千戶方全縣丞霍信舞陽主簿寧宣南
陽經歷徐行泌陽主簿雷英等監修正德嘉靖間
知縣李聚曹侃相繼修葺

論曰桐於天下之城池一彈丸耳其在豫州則北
拱中原南接湖襄地與楚壤相交錯如犬牙山複
而民雜山複則蒙密易蔽民雜則嗜好異宜內外
之限一有或跡則盜賊不可弭矣語云仁義禮智

國之四維城池亦邑之維也自隋唐間建桐栢縣
治於復陽經以五季之亂而城圯矣宋於開寶間
移治於茲經以省入他邑而城又圯矣明於成化
間營築於茲經以流寇之變而城又幾圯矣其未
及盡圯者數尺之土若培塿焉雉有堞而多缺池
似療而半乾百年以來修葺增補者有繼矣夫民
卽白首不見兵革之事城亦不可以不高池亦不
可以不深其所以作民之維者可不切切然爲之

謀乎

公署

署所以安王官辦公事者也宰丞簿尉皆有之要
勿使堂上堂下隔以萬里咽喉之地有物間之則
仁人之安宅矣於建置志志公署

舊縣治在城內西街縣丞主簿典史諸廳在內俱縣
令汪雲創建詳藝文志修城記順治十二年知縣
王京申請改舊察院爲縣治署宇草率規制未備
康熙間知縣陳堯澤高士鐸陳峻樹相繼增修

衙門在儀門左雍正十三年知縣安順理重修

獄一所在大門內衙門

縣丞署今廢

主簿署今廢

典史署

舊在縣治內康熙十一年典史孫儀鳳置北街十

九年典史趙續續增修

察院行署有二一在典史署東後改作普濟堂一在

毛家集後改作倉房

論曰夫人之一身有心有意有事有目有手有足

有百體有冠裳有動靜語默往來交際存諸內者
無一念之不可以對天行之外者無一事之不可
以對人然後其人之身爲全人官之居公署亦猶
是也其爲之宰者心也宰有所欲行意也聞四民
之臧否而周知之耳也見四境之曲折而周覽之
目也利必爲之興害必爲之除舉而措之其言必
踐手與足也視若胞與痛癢相關百體也謹乃威
儀慎乃具瞻冠裳也可行則行可止則止動與靜
也折之以片言聞問而思過語與默也苞苴不行

囊橐無餘待士以禮而勞民勸相則往來交際也
在其位則思靖其職履其處則思敦其化晝之所
爲夜必焚香以告則存諸內者無一念不可以對
天也居之無倦行之以忠重門洞啟如見我心則
行之外者無一事不可以對人也是則政事其軀
殼也神明其主宰也軀殼修而主宰正則百務善
矣居是署者凡所存所行無一之有私焉庶不負
人臣守官之義非徒高其閤開耀之櫳題示威重
飾觀瞻而已也必如是而署之事治必如是而公

之道盡必如是而人之理全

學宮

古之學者必有之。自漢韓子說之詳矣。學校之教
修而後有風移俗易之美。

國家崇儒重道。薄於外官。增丹雘。莫不煥焉使天
下咸近聖人之風。其所以化民者。有道矣。夫古者
上庠下庠之設。教寓乎中。非徒養之而已。典斯職
者。可勿念哉。於建置志。志學校。其近於教化者。皆
以類從焉。

文廟在縣西門內 大成殿三間崇貞中知縣江海
晏建康熙二年知縣黃武重建康熙三十年知縣
高士鐸重修康熙二十五年

御書萬世師表匾額雍正四年

御書生民未有匾額乾隆二年

御書與天地參匾額各

頒賜學宮懸 大成殿 東西廡各五間康熙十二年

知縣陳堯澤建 戟門三間康熙十二年知縣陳

堯澤建 櫺星門三門枋柱以石爲之 名宦祠

三間乾隆九年知縣劉元亨率士民公建 鄉賢

祠未建 泮池圍橋在櫺星門內 照壁一座

聖闕賢關東西門各二座知縣高士鐸建

啟聖祠三間在學東康熙十四年知縣鄭逢時建

尊經閣在大成殿後今廢 敬一亭在戟門外西

南今圯 忠義祠在戟門外西南

魁星樓舊在學宫外東南順治十一年署縣南陽

通判歐陽世逢建乾隆五年教諭張士瑞率紳士

改建於學宮東南隅墾

文昌魁星像於其上前通道李慎修有記載藝
文志後於乾隆十八年知縣聶敬緒以隣街秋隘
遷於金臺觀之異地其他俯瞰城闔遠吞山光居
列仙之奧區聚一邑之秀氣誠佳境也

明倫堂三間在大成殿後萬歷三十八年知縣吳
勳建康熙二年知縣貢或重修官牆計五十八
丈康熙三十二年知縣高士鐸建築

教諭宅在儒學東雍正五年訓導劉奉璋修

訓導宅在儒學東北草房共十一間乾隆四年訓導

楊復旦自置民房今訓導裁宅歸儒學

弟子員

每歲科兩試入學各八名或撥入府學一名

論曰吾儒學有所謂弟子之稱云爾者以其師在上而名之也語曰弟子入則孝出則弟以父前則子名兄前則弟名故弟子云爾者所以明孝弟之義稱於家庭則爾也其稱於師前亦弟子云爾者何也禮曰年長以倍則父事之十年以長則兄事之侍坐於先生先生問焉終則對請業則起請益

則起父召無諾先生召無諾弟子之於先生以父
事之則有子道焉以兄事之則有弟道焉故弟子
云爾抑余聞之韓昌黎子退之之言曰生乎吾前
其聞道也固先乎吾吾從而師之生乎吾後其聞
道也亦先乎吾吾從而師之吾師道也云爾夫庸
知其年之先後生於吾乎是故弟子不必不如師
師不必賢於弟子聞道有先後術業有專攻如是
而已由是觀之謂其有道之可聞可傳故其名稱
云爾不徒以其年之倍長與否而弟子云爾非徒

師之而徒弟子之爾也漢初師弟子多私相傳授
武帝始置弟子員唐制上縣四十人中縣三十五
人下縣二十五人宋初~~定~~定員崇寧三年以費廣
難贍~~照~~現在生三分而汰一元有大小學生之稱
明洪武初兵戈甫息未暇廣延令縣學二十人給
廩膳宣德三年增廣生如廩膳之數正統十二年
於常額外選軍民子弟願入學者克附學生

國朝大縣每錄四十人中縣二十五人下縣十有二
人順治十五年裁額大縣十五人中縣十二人下

縣人桐小邑每歲科兩試各錄八人合新舊弟子員不過百有餘人而已其稱於本縣儒學之師則俱謂之弟子云爾謂之弟子云爾者以師之爲道兼父與兄以孝弟之道道人其所稱爲弟子者莫不遵先生之教而以孝弟之道自淑其身而非徒師之而徒弟子之云爾也若徒師之徒弟子之固不論其聞道與不聞道生乎吾前與生乎吾後而槩以嘗侍坐之故而先生之而師之而弟子之則天下之以其在上而名之而其下以弟子之別

來謁者其名稱不盡爾爾乎

碑石明倫

典籍附

平定清海碑文一道

上諭一道

聖諭廣訓抄本一部

學政全書一部

周易折衷一部

詩經傳說彙纂一部